

الحلقة 6 | صناعة الفوضى | ملفات أبو إسماعيل | الشيخ حازم

صالح أبو اسماعيل

حازم صالح أبو اسماعيل

بسم الله الرحمن الرحيم الحمد لله رب العالمين واصعد ان لا اله الا الله وحده لا شريك له واصعد ان سيدنا محمدا عبد الله رسوله
صلى الله عليه وسلم واسأل الله ان يجعل هذا الوقت كله مرصودا لطاعته سبحانه وتعالى - 00:00:00

ايها الاخوة السلام عليكم ورحمة الله وبركاته النهاردة في عيد عالمي اسمه عيد العمال يحتفل العالم به الحقيقة انا عايز قبل ما ادخل
في الموضوع اللي انا عايز اتكلم فيه النهاردة - 00:00:21

اني اقول لكم لانه الحقيقة يعني الانسان يتغذى بالحوادث انتو عارفين عيد العمال ده بدأ ازاي المعنى ده انا نفسي نضعه تحت المجهر
ونشوفه كوييس جدا لانه اصل في الموضوع. عيد العمال ده - 00:00:41

والحقيقة ان انا لست الان فورا خطر في بالي ان هذا الموضوع يعني داخل في اللي احنا عايزين نقوله عيد العمال ده حصل زمان جدا
في امريكا بلد رأسمالية مش بتاعة عمال اصلا بتاعة رأس مال وبتاعة مشروعات - 00:01:03

لكن العمال حبوا يعملوا فيها حركة كبيرة لحقوق العمال فزمان زمان الف تمنمية ستة وثمانين الف تمنمية ستة وثمانين عشان تعرفوا
ان ده منهج قديم قرروا يعملوا اجتماع كبير مؤتمر ضخم جدا. وايه علشان المطالبة بحقوق العمال وامريكا زي ما باقول لكم قائمة
على على - 00:01:23

بشوات على اصحاب رؤوس الاموال وعلى المشروعات فقرروا يعملوا هذا الاجتماع وهذا المؤتمر ووافقت لهم الحكومة وكمان عمدة
المدينة اللي هو زي المحافظ مسلا كده او حاجة لان المدن اللي هناك دي ضخمة جدا - 00:01:51

امريكا قارة حاكم الولاية وعمدة المدينة دي اسماء كبيرة جدا مش عمدة يعني قرية ده مدينة ممكن تبقى اكبر من محافظتين ثلاثة
في مصر مضمومين زيادة كمان فحضر بل العكس في بعض الولايات قد جمهورية مصر العربية كلها. من حيث المساحة - 00:02:12
وهي ولاية فاللي انا عايز اقوله انه حضر وكل شيء لما حضر بعد ما قعدوا شوية في المؤتمر حصل هجوم على المؤتمر وضرب
وبلطجية وقنبلة اترمت وتفجيرات واتقلبت الدنيا تاني يوم الصبح - 00:02:32

صbihوا الصبح المفروض العمال اتضربوا امبارح اهو صbihوا الصبح لقوا جرايد امريكا كلها متجهزة المانشيتات والماكيات والصور
والخطيط كله انه محاكمة العمال لانهم احدثوا حالة من الذعر وعملوا تفجيرات وقلعوا الدنيا انه تعال نحجم هزا - 00:03:00

كلام ومحاكمة العمال ونادي العمال دول في دائمة واللي عايزين يخربوا واللي عايزين يدمروا ويذهبوا بالواقع المستقر في امريكا
والونام والفناوي دي كلها بعد ما فات يا اخوانى سبع سنين. سبع سنين. يعني من سنة ستة وثمانين دي - 00:03:24

لسنة ثلاثة وتسعين في سنة ثلاثة وتسعين اعترف بعد ما كانت خلصت بقى المخاطر وخلاص اعترف قائد الشرطة البوليس في الولاية
او في في شيكاغو بانه هم البوليس هو اللي رمى القنبلة لاحادث التفجيرات ولكي يوجدوا الخمرة - 00:03:53

علشان يحصل ايه مع العمال البلطجية جايين من عندهم القنبلة مضروبة من عندهم واعترفوا بكته بعد سبع سنين ولذلك قالوا لأ ده
احنا نحتفل بقى بيوم واحد مايو اللي هو سنة - 00:04:25

!! ستة وثمانين ده انو ادي العمال وادي جهادهم وادي بلد رأسمالية العمال مش بتاع حتى بلد اشتراكي ولا شيوعي ولا غيره عشان
تعرفوا ان ده منهج ومنهج حتى في امريكا. يعني الانفجار ده ما هو قتل امريكان - 00:04:42

قتل امريكان ويمكن عمدة المدينة ما كانش يعرف ومن عجيب الامر ان عشان تعرفوا ان ده منهج مستمر احد مستشاري اللي هو فيما اتذكر اذا لم تخني الذاكرة اه لانه كتب المذكرات المسؤولين السابقين في امريكا كتير فالواحد ساعات انما ازن ان هو كان بريجينيسيكي وكان بيتكلم عن ريجن - 00:05:01

ذكر صراحة والكلام ده برضو في سنة ستة وثمانين بس بعدها بمتين سنة يعني ده كان الف تمنمية ستة وثمانين هو بقى بيتكلم عن الف تسعية ستة وثمانين بعدها بمية سنة - 00:05:26

انه عرض على ريجن خطة غريبة جدا بس يا رب يطلع هو لانه انا انا اللي انا متذكرة انه كان ريجا عرض عليه خطة انه عشان امريكا تعرف تضرب كوبا اللي مغلبانا وتعبانة واحدنا عايزين نخلص منها - 00:05:42

انه المخابرات الامريكية تفجر سفينه امريكية في القناة امام كوبا وانه التفجير ده بيقى هو التكئة اسمها التكئة هي المبرد هي الذريعة عشان امريكا تعرف تضرب كوبا عرضت القصة عرضت الخطة على الرئيس الامريكي - 00:06:03

هل رفضها؟ لأن قبلاً؟ لأن وقف على ايه قال لهم طب قولوا لي بيقول بيكول كده التأشيرة بتاعته التوجيه بتاعه ولم يكن كتابياً قولوا لي عدد المتوقع انهم يقتلون في هزا التفجير - 00:06:35

من الامريكيين بيقول فحسبنا قلنا لقينا ان السفينه دي اقل حاجة هيبيقى مش عارف متين واربعين على ما اتذكر فلما عرض على الرئيس وده بشهادة مستشار الرئيس الامريكي لشؤون الامن القومي مستشار الامن القومي للرئيس الامريكي - 00:06:58

قال لأن ده عدد كبير يعني لو كان عدد صغير شوية كنا نقتل ام امريكيين باید المخابرات الامريكية من اجل وهذا الكلام موجود في الكتب بتتابع على الرصيف في مصر وفي غيرها ومترجمة وكل شيء - 00:07:17

انا عايز اقول لكم انه مسألة الخطة دي انه يعمل حاجة هو اللي يعملها يعني هو اللي يعمل الحدث عشان يعرف هو يرد عليه ويعرف يكسب من وراه ارض يفجر حاجته هو - 00:07:34

ومين مين المغفلين؟ الشعوب بقى الشعوب هي التي تأخذ ولذلك انا فعلاً الشباب غير الاسلامي حتى دوري الحقيقة انا يعني الصدق اللي فيهم ده انا شخصياً انا بقول لكم صراحة يعني الكلام ده يبسط اللي يبسطه ويضايق اللي يضايقه بس انا - 00:07:50

يعني تعودت والا لو حصل مسافة بيني وبيني نفسى هيبيقى مش هعرف ارجع صادق ابداً انا فعلاً كل ما بجد هؤلاء الصادقين بشر تجاههم بدرجة كبيرة جداً من درجات الاجلال لهذه الاستقامة وهذا الصدق - 00:08:13

بس انا بزعل من انه محلى بعدم الثقافة الكافية وعدم الوعي الكافي وبالتالي الثانيين اللي هم اكتر وعيها واكتر ادراكاً واكتر خطة واكتر دهاء. بيقدروا يتلابعوا بهم. لانه عارف ان هو راجل ماشي صادق - 00:08:32

وصدق سيدي صدق سيدي رسول الله صلى الله عليه وسلم بيقول ان الشيطان ليتلعب بالرجل الحديد يعني الشديد ده ما لم يكن فيه وعي وادراك يا جماعة الرسول عليه الصلاة والسلام - 00:08:52

احنا بنقول دعوة وتربيه بس في عنصر تالت معزم الناس اللي كانوا بيتابعوا المحاضرات القديمة شوية كنا بنقول هما كانوا تلت حاجات دعوة وتربيه وحاجة تالت ايه هي الحاجة الثالثة - 00:09:10

اللي هي البصيرة الخطة الخطة كيف يخطط بيروج باحة الارض يروح باحة الناس للحبشة الحبشة دي قارة تانية خالص غير قارة اسيا دي في قارة افريقيا لكن رأى على صفحة خريطة الكرة الارضية ان المكان ده مناسب - 00:09:25

ويرسل الى اه الاسواق عشان يلقى وفود القبائل ومعه دليل صاحبه يقول له دول بنوا فلان اللي شهرتهم كذا ومشكلتهم كذا وحصل كذا وبعدين بيعت ليثرب مش يروح الاول على طول لأن يروح يحضرها يعني في خطة - 00:09:41

دي ده احنا يعني التربية لو احنا فعلاً مش كذا بيين انه لقد كان لكم اعوذ بالله من الشيطان الرجيم لقد كان لكم في رسول الله اسوة حسنة هو ده الاسوة ان انا ليه ليه خصم يلعب بي - 00:10:01

عشان ايه وانا الحقيقة اجد ان ده مدخل جيد اللي عايز اقوله النهاردة ان احنا الوقتي حالياً هم قاعدين يطلعوا موضوعات كتيرة جداً جداً عشان يقعدوا يشغلونا بجزئيات جزئيات جزئيات جزئيات - 00:10:19

وكلاها سخنة ناس اتسمنت ناس مش عارف حصل فتنة طائفية ما اعرفش مين حصل ايه التعديل الوزاري هيحصل فيه ايه؟ كذا كذا بحيث انانا بانشغلالي الشديد بهذه الجزئيات لا افطن ولا انتبه لحركة - 00:10:38

الخط الاصلي اللي ماشي انا عايز اشغلك بحاجة اعمل تفجير هنا عشان ما تاخدش بالك انانا بتسلل من الناحية الثانية الجزئيات اللي موجودة النهاردة يوميا دي وبعددين ده بيسيير جزئية - 00:10:56

وبيبعث للقنوات التلفزيونية اتكلمي عن هذا الموضوع تلاقي كله بيتكلم عنه الجرائد الصبح كله عنه صفحات البت كله عنه ماشية من الناحية الثانية فانا بشعر ساعتها بحزن ليه على الشباب الصادق دهوت اللي انا اللي انا شايف ان هو وهتشوفه النهاردة في نهاية حديثي ان هو ده الامل الباقي - 00:11:11

هو ده دول اللي فاضلين بس ربنا يلطف بهم وما يضيعوش هم كمان انا بزععل عليهم ليه لأن انا شخصيا الشخص اللي قاعد قدامكم ده بقى له تلاتين اربعين سنة بي Shawf شخصيات كبيرة من اماجد - 00:11:35

من اماجد السياسيين في مصر بيتباعوا جيل ورا جيل بيقى بيtalk وي عمل ويسيوي وبعددين يستهلك ويخلص ويجي اللي بعده وهكذا الاستينيات السبعينيات او على الاقل السبعينيات التمانينيات النيات الالفينيات اللي هي الفين والفين وعشرة وخلاص. فين اللي كانوا معارضه من اربعين سنة من تلاتين سنة من عشرين سنة بتتغير - 00:11:54

غير الاطعم لكن كله بيحصل ايه؟ انه بيستخدم وبعددين يخلص وخلاص. انا بقى خايف على الشباب اللي موجود حاليا من هذا ولذلك احنا النهاردة الحقيقة انا يعني بفكـر ان انا اقول لحضراتكم تحت يعني تحت عنوان طيب ما تيجوا ن فوق تعالوا - 00:12:20 نركـز تعالوا نتكلم مع بعض بالمنطق وانت بتسمعني اعتبرني غلط انا مش عايزك تعتبرني صح انا عايزك تعتبرني بتكلـم غلط عشان حاول تخطـي هذا حاول انا بالعكس انا انا احترامي لنفسي اذا يا رب يكون متوفـر. عايز انا اختـبر فكريـتي. انا مش عايز قوم لي - 00:12:40

فكـرتـي انا عـايز اقولـها ويختـبرـ الفـكرةـ بمـن يـردـ عـلـيـهاـ تعالـواـ نـركـزـ وـتـعـالـواـ نـشـوـفـ الدـنـيـاـ ماـشـيـةـ اـزاـيـ اـسـمعـ كـدـهـ زـيـ ماـعـلـنـاـ فـيـ لـقـاءـ المـرـةـ الليـ فـاتـتـ والـفـكـرةـ الليـ ماـ تـطـلـعـشـ مـزـبـوـطـةـ اـرمـيـهاـ - 00:13:06

تعـالـواـ نـفـكـرـ هوـ دـلـوقـتـيـ اـحـناـ يـوـمـ اـهـ يـوـمـ آـتـمـانـيـةـ وـعـشـرـيـنـ يـنـايـرـ الليـ هيـ يـوـمـ جـمـعـةـ الغـضـبـ سـنـةـ الفـيـنـ وـحـدـاشـرـ. تعـالـ اليـ قـبـلـهاـ الليـ هوـ سـبـعةـ وـعـشـرـيـنـ بـسـ - 00:13:26

هـتـجـدـ كـلـ يـاـ جـمـاعـةـ كـلـ عـنـاـصـرـ الـمـيـزـانـ الـاسـتـراتـيـجيـ للـقـوـةـ فـيـ مـصـرـ الـلـيـ هيـ كـانـتـ تـسـنـدـ نـزـامـ حـسـنـيـ مـبـارـكـ وـتـخـلـيـهـ قـويـ وـتـخـلـيـهـ مـتـأـبـيـ عـلـىـ السـقـوـطـ كـلـهاـ مـوـجـودـةـ زـيـ ماـ هـيـ - 00:13:44

ماـفيـشـ حاجـةـ مـنـهـ اـنـغـيـرـتـ. وـالـلـيـ اـتـضـرـبـ مـنـهـ رـجـعـ. يـعـنـيـ الشـرـطـةـ اـتـضـرـبـتـ يـوـمـ تـمـانـيـةـ وـعـشـرـيـنـ يـنـايـرـ خـلاـصـ دـلـوقـتـيـ بـالـتـعـبـيرـ بـتـاعـهـمـ استـعـوضـتـ كـلـ قـوـتهاـ رـجـعـ تـانـيـ بـقـىـ فـيـ عـرـبـيـاتـ اـتـصـلـحـتـ وـبـقـىـ فـيـ قـنـابـلـ جـدـيـدةـ جـتـ وـبـقـىـ فـيـ الرـوـاـتـ وـبـقـىـ فـيـهـ تـأـهـيلـ نـفـسـيـ للـشـرـطـةـ - 00:14:03

بـقـىـ فـيـ كـلـ حاجـةـ وـكـلـ مـاـ عـدـاـ ذـلـكـ مـنـ كـامـلـ العـنـاـصـرـ الـلـيـ كـانـتـ مـخـلـيـةـ الطـرـيقـ مـسـدـودـ وـمـاـ فـيـشـ حـدـ عـارـفـ يـغـيـرـ نـزـامـ حـسـنـيـ مـبـارـكـ. وـلـاـ عـارـفـ يـغـيـرـ نـزـامـ تـزوـيرـ الـاـنـتـخـابـاتـ - 00:14:23

وـلـاـ عـارـفـ حاجـةـ كـلـهاـ زـيـ ماـ هـيـ بـالـكـامـلـ ماـ عـدـاـ عـنـصـرـ وـاحـدـ هـقـوـلـ لـكـمـ عـلـيـهـ فـيـ الـاـخـرـ. انـماـ كـلـهـ زـيـ ماـ هـوـ ماـ فـيـشـ حاجـةـ نـاقـصـةـ. يـعـنـيـ الـاجـهزـةـ الـلـيـ مـوـجـودـةـ ماـ فـيـشـ حاجـةـ اـنـغـيـرـتـ. خـلاـصـ. حتـىـ زـيـاطـ مـبـاحـسـ اـمـنـ الدـوـلـةـ الـلـيـ طـلـعـواـ مـعـاشـ مـوـجـودـيـنـ - 00:14:36 مـوـجـودـيـنـ وـفـيـ الخـدـمـةـ اـيـضاـ وـمـمـكـنـ اـسـتـخـدـامـهـ بـطـرـقـ بـرـةـ ماـ فـيـشـ مشـكـلةـ كـلـهـ مـوـجـودـ الـانـزـمـةـ الـعـرـبـيـةـ وـعـاـيـزـكـمـ تـعـرـفـواـ كـدـهـ اـنـهـ اـمـرـيـكاـ لـمـ تـيـجيـ القـوـيـ الـعـالـمـيـةـ دـيـ اـمـبـراـطـورـيـةـ دـيـ اـمـبـراـطـورـيـةـ عـالـمـيـةـ - 00:14:53

فـلـماـ تـيـجيـ تـنـفـزـ سـيـاسـةـ هـيـ عـنـدـهاـ قـدـرـاتـ مـوـجـودـةـ مـسـلـاـ فـيـ الـخـلـيجـ قـاعـدـةـ عـسـكـرـيـةـ مـثـلـاـ عـنـدـهاـ سـيـطـرـةـ بـطـرـيقـةـ مـعـيـنـةـ عـنـدـهاـ نـزـمـ تـورـيـتـ حـكـمـ عـنـدـهاـ فـيـ مـصـرـ وـفـيـ فـلـسـطـيـنـ وـفـيـ فـيـ الـبـالـتـالـيـ مـمـكـنـ تـوزـعـ اـدـوارـ تـقـولـ هـنـاـ - 00:15:15

قطر تعمل كذا والامارات تعمل كذا السعودية بقى تعمل كذا اسرائيل تطلع اعلان بكذا فيحصل الشيء الفلاني والناس الليتبعنا من جوة مصر هي عملوا الشيء الفلاني سواء سياسيين معارضة او مخالف عاملة زي المخرج اللي بيجي له اتنين ممسيلين يقول له انت هتبقي زابط وانت - 00:15:37

رامي ولا اقول لك لا انت ينفع تبقى حرامي اكتر وانت زابط اكتر ويبيوزع ادوار هذا النظام اللي هي العناصر الكاملة كله الميزان العسكري في المنطقة زي ما هو لا اسرائيل بقت اضعف من مصر بقت اشد ولا حاجة - 00:15:57

الميزان الدول العربية والأنظمة العربية مين اللي تبع امريكا ومين اللي مش تبعها ومين اللي غصب عنه ومين اللي بمزاجه متوفراه المخزون السلع في مصر القمح فاضل عليه شهر فاضل عليه شهرين الحق الدواء كذا الحق لين الاطفال فاضل عليه كم اسبوع كله لسه - 00:16:15

موجود ان مخزون انك بتدي مصر مخزون سلع يقعدها مدة قليلة علشان تفضل مربوطة بك ما فييش حاجة اتغيرت من زل استراتيجي للقوة المؤثرة على مصر هو انت فاكرین ان لما سقط حسني مبارك - 00:16:35

الدنيا بقت اقبى هنا مصر بقت اقوى تجاه القوى العالمية من يوم تمانية وعشرين يناير الفين وحداشر اللي هي يوم الجمعة الغضب لا واللي سقط ساعتها تم استعواضه بالعكس بقى - 00:16:52

بدل ما كان عندك قناتين ولا ثلاثة فضائيتين من اللي هم بيتكلموا في السياسة بلغة المعارضه بقوا عشرين تلاتين وبدأت الصورة القوة الاعلامية تشتد بدل ما كان عندك مسلا عشر صحف ولا حاجة لأ بقوا تلاتين صحيفه كلهم ممكن تقول لهم يقولوا ايه ويعملوا ايه - 00:17:07

الانزمه العربية زي ما قلت لكم زي ما هي البحر الاحمر وسيناء زي ما هو المنطقة الشمال مصر اللي هي الاسطول الامريكي قاعد على على قدام في قبالة السواحل الشمالية المصرية كل ما فييش - 00:17:31

حاجة اتغيرت الله طب ما فييش حاجة اتغيرت خالص وميزان القوة كله ناحية عدونا ايه اللي خلى مصر دلوقتي قادرة ان فيها ن Zam سياسي احنا بنأمل ان هو يبقى ملك الشعب حاجة واحدة بس اتغيرت - 00:17:46

حاجة واحدة ويا رب الناس تفيق حاجة واحدة بس هي اللي حصلت يوم تمانية وعشرين يناير وهي تقتل عدد ضخم جدا من البشر جوة مصر من المصريين بالملايين طبعاً تناهى الى ان وصل لحداشر فبراير بالملايين - 00:18:04

هذه الملايين اتجهت كلها في اتجاه واحد بس ولذلك انت تفكروا ان من تمانية وعشرين يناير دي اللي هي بدء الحركة العنيفة في الثورة لغاية حداشر فبراير الاسبوعين دول الجمعة تمانية وعشرين الجمعة حداشر - 00:18:33

الاسبوعين اللاتين دول اللي حصل التطور اللي حصل فيهم في الوسط كان رئيس الوزراء ساعتها بيقول انا اجيب بونبوني للناس واخليهم قاعدين في بداية التحرير اللي خلى البونبوني ما عدش هيئفع - 00:18:56

وكان يتمنى ينفع وزى ما يقولوا يتقرطسو الناس كلهم قراطيس بونبوني ما فييش مشكلة كانت ويبقى الشعب كله يبقى وعلنا طالعين على التليفزيون يقول لك انا ناوي انا ما فييش مشكلة انا اجيب له كباب وكفتة انا اقعده يتبسط - 00:19:14 الفرق ايه؟ الفرق ان العدد ظل يزداد الى ان صار كتلة ملايينية ملايينية طبعاً النسبة تكون للمفرد لكن انا عايز اقول ان الكتلة نفسها بالملايين وليس مليون ملايينية وتوجهت هذه الكتلة اللي بالملايين وجهة واحدة محددة - 00:19:33

اللي هي خلاص لا مبارك ولا سليمان الكلام ده كان زمان مش ده كان هتاف؟ خلاص ما عدش فيه كلام نافع معهم هي وجهة محددة ولما الوجهة دي مش مستجاب لهم فيها بدأوا يتحركوا - 00:19:56

طلعوا يوم الثلاثاء على مبني مجلس الشورى ومجلس الشعب الأربع ازن ولا كان خميس على التليفزيون الجمعة رايحين القصر جمهوري الكتلة الملايينية المصممة على وجهة واحدة بتتحرج خلاص فوراً انتهت المسائل - 00:20:15

هو ده التغير الوحيد في ميزان القوى الاستراتيجية المحورية اللي تأثر في الداخل المصري وخلت انه بدل ما يبقى نظام حسني بقى فيه ناس تانية بتفرض ان هي يخشوا مجلس الشعب ولا الشورى ولا الرئاسة ولا غيره وكل ما تحصل غلطة - 00:20:39

حصل بقى ايه خلاص ده الكلام ده خمسة وعشرين ينایر وما بعده. التوابع بقى سنة وستين توابع ان كل ما يحاولوا ها يعني يلفلصوا بقى . وبجمعها به حوالى التوابع ان لسة الشعب سطلع - 00:21:02

يقي، ويرجعوا يرددوا التواعي ان لسة الشعب بيطلع - 00:21:02

لسه بيخرج هأجل مسلا تسليم السلطة للافين وتلتasher الشعب خرج منع مش عارف هنعمل ايه يروحوا مسقطين وزارة ما اعرفش
بحصا، ايه، تهادى الاحتشار الشعب .. بالله عليكم الشبع الطبيع، ايه - 00:21:19

الشيء الطبيعي ان ما دام ده المتغير الوحد الاستراتيجي ان خصوم البلد دي خصوم البلد وخلينا نتكلم عن البلد على بعضها خصوم
البلد بقلموا لأننا عابن اضرب بـ العنصـر المـحـدـدـه - 00:21:36

للان خلاص ده اتضحت ده الحاجة الوحيدة ان لا في شرطة ولا جيش ولا ميزان قوة عسكرية ولا انظمة عربية ولا حاجة لغيرت كله ذي ما هو الامارات لها علاقتها بالامريكان وال سعودية لها علاقتها بالامريكان و قطر لها علاقتها بالامريkan والكويت لها علاقتها -

00:22:14

بالامريكان ومصر لها علاقتها بالامريكان والسودان لها علاقتها بالامريكان وال العلاقات بنسب وكل حاجة معروفة ما عنديش حاجة اتغيرت الا العنصر ده هو ده العنصر القوة الوحيدة عشان كده احنا ليه زعلانين من منهج الحكم الحالي سواء كرئيس او كبرلمان او

كقوى سياسية وضغط سياسي - 00:22:34

وزعلانين منهم جداً ومش قادرین نتجاؤز ده لانه هو بيستغل في كل حاجة وسايب المحور الرئيسي ده قاعد يهبط وسايبه يهبط سايبه يروح ازاي فيجوا يروح بان مسلا مشكلة زي مشكلة البلطجية اللي بسنك وسكاكين وسيوف سنتين ما اكتشفتش

ما اكتشفت ايه و هتكلم عنها النهاردة مهم هقول لكم ايه العبرة اللي فيها ان جهاز مباحث امن الدولة باسمه الجديد بيطلع تاني
يطلبي انه يحاول يدخل مرة اخرى انفو في في تفاصيل الحراك الاليومي في الشعب المصري - 00:23:21

مرة اخرى وعلنا بعد ان كان سرا هو لم يتوقف ابدا انما علنا دلوقتي وجها را بعد ان كان سرا. ولذلك ده مش انا كنت ممكن اقول قبل كده الحكومة او الحكم او مش واخدin بالهم. لا ده واضح ان فيه اتفاق - 00:23:43

لأنه هو اقتال أن أمريكا مشترطة تمكين الأجهزة المصرية لمحاربة التطرف والارهاب والمتش عارف ايه وبالتالي مكنهم تمكنا الله!
يبقى اذا العنصر الوحيد اللي هو الاحتشاد الشعبي ده والتكتل الشعبي واتفاق الناس على ما هدفه مع ان الناس
دول مختلفين جدا بينهم وبين بعض - 00:24:00

يعني الشعب المصري شيء طبيعي. أنا ما طيقش واحد يقول أنا مثلاً علماني أو ليبرالي او لانه الا ان يكون ذلك في حدود انه لا لا يحل الحرام ولا يحرم الحال - 00:24:29

انما انا يوميها لازم ده في هدف واحد طب حلو قوي لحزة بقى كده عشان بالراحة ويخلينا منطقين احنا قلنا ان ده المتغير الوحيد اللي قلب ميزان القوة وبقى مع الشعب ضد النظام اللي كان - 00:24:45

يُنتمي إليه حسني مبارك وهو قاعد على آآ رأسه زي الطربوش على رأس النظام طيب يبقى وبالتالي خصومنا لازم بديهي كده يبقى وضعهم الرئيسي هو انه بيهدم المتغير ده ويفتحه عشان يقدر يرجع. والطبيعي لو انا محترم ان انا اعمل حسابي كمان اقوى العنصر ده عشان افضل آآ قوه - 00:25:02

ما بقاش يقول لي يلا روح على بيتك وكمان روح على السجن مش على بيتك طيب حلو قوي يبقى انا عايز اعول على هذا تعالوا
بقي نتحاسب نشوف الكلام ده منطقى ولا تخريف؟ لانه - 00:25:25

يوشك ان هو يكون تحرير. وهقول لكم ازاي. بس عايز انبه لنقطتين اولا ان رصيدهنا الاصلي الاول هو التوكل على رب العالمين انه هو الفعال لما يريد التوكل على الله - 00:25:43

اعداوا له عدّة دى، دى، - 00:26:01 اارادوا الخروج لاعدوا لهم ما استطعتم ولو اهنا عارفين ده بس احنا عشان التوكل على الله من مفرداته انك تدبّر امرك بجهد استطاعتكم اعدوا لهم ما استطعتم ولو

دي مقومات التوكل انما دائما المعول عليه هو الله عز وجل. هو الفعال لما يريد هو الفعال بلا شك النهاردة لما تيجي تزاكر الثورة المصرية بتاعة خمسة وعشرين يناير ما هو كانوا يقدروا الخصم يعمل فيها واحد واثنين وتلاتة لكن ما عملوش طمس الله عليه -

00:26:21

بصورة ما وتحركت اشياء وزي ما واحد والعهدة على الراوي انه حتى هو لاحظ انه اتجاه الهوا يوم تمانية وعشرين ينایر يأخذ الغازات غير الدموع فبردها الى م: القاه - 00:26:42

الغازات غير الدموية في دها الي من القاه - 42:26:00

فاحنا احنا المعول عليه هو الله. فما حدش يتتصور ان احنا واحنا بنتكلم دلوقتي عن قوة التكتل الشعبي اه معناها ان احنا بتنقص من
هذا لأنس ده من ضمن المكونات. النقطة الثانية - 00:26:59

انه يا جماعة احنا عندنا الان رصيد ورصيد ورصيد ثورات مصرية قامت ونجحت واتضحك عليها واتكلفت ومشيت ورجع الطلغان: ونمرة اتنين: رصد ثورات عربية تونس، وليس ورسو يا واليهم: وو مصر طبعاً وغيره - 14:27:00

يتم اللعب بها لدرجة ان المشكلة في ليبيا النهاردة الصبح ان الحكومة بترجع تمكن كما يقولون لرموز نظام القذافي والشعب خارج يرفض التمكين لهم ويبيقول لهم طلعوه او النهاردة الصبح واسمعوا راجعوا - 00:27:36

يبقى عندي رصيد ثورات عربية حاليا ايضا شرقا وغربا. شاييفين ان بيحصل لها نفس الابتلاء ده نمرة وتونس ما ادراك ما تونس اديكم
شاييفين نمرة ثلاثة عندي رصيد تالت من الثورات العالمية - 00:27:57

مش مش الثورات العالمية يعني في أمريكا الجنوبية ثورتين ثورتين تم لفهم مكالفتهم بنفس الطريقة. شائعات وبلطجية واعلام واقتصاد واتكلفتو ورجعوا تاني لنفس النازم القديم ورجع اللي كانوا موجودين تولوا مرة اخرى - 00:28:18

ونفس الحكاية حصلت مثلا حتى في حركة محمد مصدق في ايران اللي هو كان امم البترول وكان تعتبر خبطه جامدة وعرفوا ازاي واسترد بلد يروح في اوروبا طبعا اشهر مثل انت بتتدالوه رومانيا كذا كذا وكلفت مع انه كان حاجة وقتلوا الرجل وخلصوا عليه وشوشوا - 00:28:40

وطلعت نكتة ساعتها يعني عقباً شوشنينا. كان ساعتها نكتة لطيفة جداً. لكن خلاص ابتلعوا مرة وهكذا وقاعد تبلغ انت ثورة. اذا التاريخ البشري عبارة عن تاريخ بلغ ثورات. عيب بقى على راجل محترم شاب - 00:29:01

يسمع هذا الكلام ويتبَلُّغُ وهو شايف ايه ده ده الدلع وده اتبَلُّع وده اتبَلُّع واقعد انفُرْجَ واتبَعَ انا بكرة كمان. والله لا تبقى كرامة والله والله لا يستحق انسان ان هو يعيش ازا فضل بعد كده - 00:29:20

رصيد مصرى رصید عربی رصید دولی امام امبراطورية قاعدة تتبع قوى الشعوب وتلهو بها وترجعها لزلك حبيت النهارده انه ابحث مع حضراتكم انه طب ما تيجوا كده نفصل اصناف الناس بتوعنا. تعالوا نبص في الناس اللي معنا الوقتي كده. تعال نبص في الشارع في الناس - 00:29:36

لک اختلک معی لو سمحت او عی تاخد کلامی قضية مسلمة - 00:30:03

يختلف معي وجارد انا عايز يعني اختبر فكريتي واحنا هنتقابل بعد بكرة الجمعة ان شاء الله في مسجد اسد ابن الفرات بعد العشاء او بعد المغرب بعد المغرب بعد المغرب ان شاء الله - 00:30:20

الله احنا مش واخدin بالنا وهو كل شيء . ولما اقول حاجة - 00:30:38

تبقى غلط انما بالله لو لقيت اللي انا بقوله ده منطق نتفق عليه جميعاً ومش لا يتسلل اليه الاحتمال في في قسم كبير منه لو سمحت فوق معه.. بس مش عايز منك اكتر من كده. سبيك من ده اسلامي، وده ليبرالي، وده ناصري، وده - 00:30:53

الشيوعي سيبك خلينا بس نتكلم الوقتي في الاطار تعالوا الى كلمة سواء بيننا وبينكم تعال نبص في الاصناف نمرة واحد وخليني ابدأ بالترتيب يعني اللي ايه الاستبعاد. نمرة واحد هو مش منطقى - 00:31:15

ان الامبراطورية الضخمة اللي اسمها امريكا دي والصهيونية المتضاغفة معها وغيره واللي بقى لهم في مصر شغل على شغل سالك على الاقل اربعين سنة سالك اربعين سنة ما فيش مقاومة بالعكس فيه تمكين لهم. من ايام ما رئيس الدولة كان بيقول تسعه وتسعين في المية من اوراق اللعبة في ايد امريكا - 00:31:37

انور السادات قال كده ولما جه حسني مبارك الصحفي العالمي سأله السادات كان بيقول تسعه وتسعين من اوراق اللعبة في ايد امريكا انت لسه مصمم على دورى انا نزلته قال له لأ ده مية في المية من اوراق اللعبة في ايد امريكا. مية في المية حسني مبارك قالها ونشرت في مانشيتات الصحف المصرية - 00:32:03

وطبعاً سمعها باذنه ملابسين وانا واحد منهم اربعين سنة مصر سالكة مع امريكا. بالله امريكا الامبراطورية العظمى هل متتصور ان ما لهاش عملاء كتير في الاجهزة المصرية بكل انواعها هل ده وارد يعني؟ هل انت متتصور ان الامبراطورية البهاء دي قعدت اربعين سنة - 00:32:23

لا تصنع عملاء ده وارد؟ هل ده احتمال؟ هل فيه اي نسبة من الاحتمال انه المخابرات الامريكية سي اي ايه اربعين سنة ما بتشتغلش خالص في مصر سايية مصر صغار سليم يا سلام لأ سبب القدرة الوطنية المصرية مطلقة - 00:32:45

هل ده وارد ولا احنا كلنا متفقين انه لأ شيء طبيعي انه لابد ان يكون هناك عملاء. ان شاء الله يكونوا يا رب عملاء كده يعني عملاء انه شركة تكسب من هناك ففي تعامل فيه عملاء - 00:33:12

قد ايه العملاء كتير قليلين كتير قوي ولا كتير جداً ولا حالتهم ايه يكفي ان تعلم ان السفارة الامريكية في مصر السفارة الامريكية في القاهرة كانت انا ما اعرفش دلوقتي يمكن تكون بقت - 00:33:26

انما كانت اضخم سفارة لامريكا على مستوى العالم. لا توجد سفارة لامريكا في اي بلد في العالم اضخم من سفارتها في مصر. وكان عدد الدبلوماسيين او الموزفين الامريكيين في المجال الدبلوماسي بس فيها مش مش الموزفين يعني مش الامن والسكرتارية كانوا - 00:33:49

سبع تلاف موزف سبعة الاف امريكي في السفارة الامريكية في مصر السفارة الامريكية في مصر عبارة عن عدة مبانی مش سفارة دي عدة عمارت عبارة عن حرم داخله عدة عمارت - 00:34:12

واللي بيروح سواء عمارة ايزيس ولا عمارة كزا وينظر لفوق يرى انه وده المعلن بس ده اللي هو الحنة دي غير قنصلية فين غير حاجة تانية ده الواجب موجود بيعملوا ايه سبع تلاف دبلوماسي ولا موزف في السفارة بيعملوا ايه - 00:34:31

بيعملوا ايه وبالتالي لازم نحط رقم واحد انه هو العميل ده لما يجي يتصرف دلوقتي هيتصرف يقول لك انا بما ابني عميل امريكي وبالتالي انا عايز اقول لك كزا لأ هو واحد ده بيشتغل في بنك وده بيشتغل في آآ قناة تلفزيونية وده بيشتغل في كزا وده مركز ابحاس - 00:34:51

وده شيء طبيعي يا جماعة اربعين سنة شغل يعملوا عشرات الالاف من العملاء في مراكز التأثير. في جامعات مش كده ولا ايه يا ريت يطلع ولا اي بنى ادم في مصر يقول لي لأ الفكرة دي مش مسلمة - 00:35:15

اي في اي حد يقول مش مسلمة طيب ادي اول حد ده بديهي امبراطورية غير عادية موجودة في عدد الصنف الثاني وخليل بالك انا بتحاسب معك صنف صنف لان انا عايز اوصل مع الناس - 00:35:33

الى ان تكون امة محترمة امة محترمة تعال للصنف الثاني هو نظام حسني مبارك ده ما كانش فيه ناس هل متتصور ما كنش فيه ناس مرتبطين معه بمصالح يعني ما كانش بيطبع بيصر ملايين الدولارات كل سنة. لفلان الفلاني. كرجل اعمال مفضل عن غيره او شيء من - 00:35:49

هذا القبيل السنة الواحدة ما بيطلعوش عشرة مليون وعشرين مليون وتلاتين مليون واربعين مليون وخمسين مليون اجزاء من

المليار ما كانش فيه كده اه كان فيه طب ما لما يصرف - [00:36:20](#)
حاجة من سنة واحدة كسبها علشان يستعيد النزام اللي كان بيعصر له دهب طيب ما كنش فيه اصحاب مصالح في السلطان اصحاب سلطة بيكلم الحكم وصاحب سلطة غير عادية ما حدش يقدر قصاده - [00:36:34](#)

يقف قصاده قطعا فيه وبالتالي هذا الصنف الثاني اللي هو يريد او يتمنى ان يستعيد انت عارف اللي رافع دلوكتي الدعوة بتاعة ايه ؟
فيه واحد رافع الدعوة بتاع التزوير الانتخابات - [00:36:52](#)

اه والله انا مش عايز اذكر الناس انما رافع دعوة تزوير الانتخابات الرئيسية انا فوجئت ان هو فلان وفلان ده انا يعني يعني اعرف اعرف وهم يعرفون ماذا يعني نعرفه - [00:37:09](#)

فوجئت لكن هذه امور بردو بتظاهر في وقت في الوقت وامبارح احمد شفيق لسه كان بيكلم امبراح لع لكم سمعتهموه هييجي دور الكلام عنده، بس خليني الاول لا شك ان ان في مصالح - [00:37:28](#)

سلطات النزام اللي فات ولذلك تلاقوا اه السيد الفريق الدكتور رئيس وزراء احمد شفيق المزيعين رايحين جايدين هناك كل شوية واحد ها بعد كده الثاني الثالث الرابع وايه ويتكلم وقول كمان وما حدش يقدر يقاطعه يعني ليه ؟ لانه ده للمسألة ماشية كده - [00:37:43](#)

وغير الاتصالات زي ما قلت لكم الاستوديوهات في مدينة الانتاج الاعلامي تعلم انه ما الذي يحدث من اتصالات وحد بيكتب بيتملى موجود هذا الكلام ولا مش موجود موجود منزومة اعلام ولا مش موجود - [00:38:08](#)

موجود منزومة مالية ولا مش موجود؟ اقول لكم اكتر من كده من جمعتين كده كان في جمعة اسمها جمعة تطهير القضاء قاموا بالبلطجية هجموا على اللي بيتظاهروا ام اللي بيتظاهروا دول كان في منهم اسلاميين - [00:38:27](#)

ام الاسلاميين دول والله اعلم هو طبعا بيتقاول انها متفركة انما نفترض بيتقاول انهم ضربوا البلطجية زي ما البلطجية ضربوها. مين اللي صور الاسلاميين وهم بيضربوا البلطجية وجابوا وشوش الاسلاميين وطلعوهم في المانشيت الرئيسي للصحف وقال هؤلاء هذه هجوم ها هم معروفين - [00:38:44](#)

اللي احنا كنا بنتصور انهم ناصريين ومعارضين وواحد بيقدم برنامج فضائي والثاني برنامج فضائي والثالث رئيس تحريره الرابع موجودين. الله طب لما انت لك صحفيين بيصوروا الوجوه كده بتاعة البلطجية بتاعة الطرف الثالث من الشوارع. ما جبتش الصور ليه في - [00:39:05](#)

وقائع ما دام بتعرف وتجبيوا ده لانهم كانوا ولا يزالون وسيظلون يتستروا على صور البلطجية دي لانها في الاتجاه اللي هم عايزينه اللي هم عايزينه ولذلك انا حزين على هذا لكن خلينا عشان نعرف نعبر نقول ان في ناس لها مصالح مع - [00:39:28](#)

النظام السابق اللي يرجع حتى لو باسماء جديدة مش مهم حسني مبارك بالذات ولا جمال مبارك بس يرجع بالتكوينية بتاعتته على الاقل سواء مصالح مالية او وده شيء مسلم مالية او سلطة - [00:39:53](#)

نمرة ثلاثة نمرة ثلاثة الفصيل رقم ثلاثة ان في تيارات سياسية بتتصارع اللي موجود الاسلاميين يومه الثانيين عايزين يضربوه. وانا هقول لك حاجة اكتر من اللي انا قلته لحضرتك ده - [00:40:09](#)

امبارح امبراح والراجل راجل لطيف جدا راجل صريح امبراح الفريق شفيق في حوار تلفزيوني امبراح بس بيقول ان انا مين اللي جا لي تذكر اسماء من اللي كانوا بيتهتف في الميدان بسقوط شفيق - [00:40:28](#)

انا والله يا رب يطلع الكلام كزب. انما يقول لك فلان اللي مع البرادعي ولا فلان اللي مع حمدين صباحي ولا ويذكر بالاسم ذكر يعني ذكر خالد يوسف مسلا اللي هو آآ ذكر فلان مش عايز يتورط الحقيقة في اي - [00:40:47](#)

اسماء لاني لا اعلم بس يا رب يطلع يقولوا يقول لك جا لي هنا وقعد معى واتفقنا الله هي ايه حكاية موسم ان كل واحد من رفقاء قيادات الثورة يروح ويقععد والراجل يطلع ده راجل لطيف جدا. الحقيقة في منتهي الجمال يطلع في كل حديث يقول لك فلان - [00:41:02](#)

جالي تاني فلان جالي فلان جالي ده الرموز التي صنعت عشرة عشرين واحد ان دول طلعوا كلهم رايحين يتفقوا. يقول لك تعال نتفق يا فندم نعمل مع بعض انتخابات واحدة وحكومة واحدة ونخش البرلمان سوا ونعمل قوائم سوا عشان كلنا نكسب سوا. يا خبر ايض

- 00:41:26 -

بقى فلان الثوري الذي قيل انه ممثل الثورة يتضح كذا وفلان الثوري الذي قيل انه ابو الثورة يعمل كذا وفلان الثوري الذي قيل انه مؤجج الثورة يفعل كذا الذي قيل انه بقى ايه ده - 00:41:53

ايه ده فبالتالي والكلام ده زي ما باقول لك مين اللي بيقوله امبارح ؟ احمد شفيق اللي بيقول لك احنا راجعين واقرب مما تتصوره والسوريين معنا والمتش عارف مين معنا والله اخر جمال والله. حاجة بيقى احنا - 00:42:11

فعلا بنروح ولذلك النهارده اللي لهم فصائل سياسية اخرى بصفة عامة وعايزين يعني يوصلوا ما بقوش زي زمان. ده دلوقتى بقوا بقى فيه خمس ست صحف طلعت يعني مسلا مقدمي البرامج اللي هي بتوجعكم قوي دي اللي هو كل يوم - 00:42:27

ندب تلاقي مسلا خمسة او ستة منهم بالاسم ناصريين فصيل على بعضه. الصحف بتطلع خمسة يعني برامج التوك شو تلاقي مسلا فعلا فلان وفلانة وفلانة وفلانة دول معروف دول - 00:42:46

جه سياسي مش هو مهني مش حرفى يعني مش واحد صحفى السلام ولا مقدم برامج والسلام ولا اعلامي والسلام لا ده هو اصلا في يعني هو رئيس تحرير جريدة كذا اليومية او الاسبوعية وهو في نفس الوقت قادر من كواذر التيار - 00:43:03

القياس الفلاني فهذا الكلام الناس دول الثلاثة الاصناف اللي ذكرتها لغاية دلوقتى دي مش هتتغير يعني دي هو ده قرار هو صح ولا لا يا جماعة؟ صح ولا لا؟ فيه غلط في كده - 00:43:22

دي قرارات مسبقة زي ما الاسلاميين برضه هيفضلوا مع الاسلاميين وبرضه مش هيتغيروا يعني مش بقول لك الكلام ده مسلا انما ده واقع دي تلات فئات على الاقل قل مصمتة - 00:43:36

ما فيش هو مصمم على انه يوصل نتيجته كائنة ما كانت المعطيات والظروف. تعال بقى للبند رقم اربعة او للشخص رقم اربعة في عندي ناس قاعدين بقى لهم عشرين تلاتين اربعين سنة - 00:43:48

اتعودوا واتزبطوا استقرروا على ان هو ما بيشتغلش الا في الحدود المرسمة له او المسموح له بها من قبل مباحث امن الدولة بس في السبعينيات كده وفي التمانينيات كده وفي التسعينيات لغاية الفين وعشرة يعني كده لغاية ما سقط حسني مبارك اربعين سنة وهو كده - 00:44:09

بيروح يشوف الصورة ماشية ازاي ويعمل ده مش ممكن ييجي بين يوم وضحاها ان شاء الله يا رب يطلع اتجاه اسلامي فالله يا رب يطلع حزب سياسي ان شاء الله يا رب يطلع ايه - 00:44:42

مش ممكن من استمر على هذا النحو ما لم يكن معلنا بوضوح لهذا مش ممكن خلاص نفسيته محظلة ده صنف كبير موجود انه بي Shawf الدنبا ماشية ازاي زي ما كان ايام المجلس العسكري - 00:44:55

هو بي Shawf الوحي المؤشر ماشي ازاي. وانا شفت من هؤلاء الكثيرين هو يشوف المؤشر يقول لأ وفي عز المناقشة يقول لك لأ بس المجلس العسكري قال مش هينفع ما يقول - 00:45:16

انت بتتكلم انت ده انت خلاص ده انت مش واحد بالك ان المعطيات اتغيرت انت بتشتغل يوم تمانية وعشرين ينایير بمعطيات سبعة وعشرين ينایير ده حصل تغير انت مش واحد بالك بس - 00:45:30

حصل شيء كبير يا ناس يا خلق من من سبعة وعشرين ينایير لثمانية او من حداشر فبراير لاتناشر فبراير هو لسه بي Shawf المؤشر يقول لك لأ خلاص ده مش ممكن قالوا ما ينفعش - 00:45:46

ايه اللي قاله ما ينفعش؟ وكل حياتهم كل مفرداتهم مبنية على هذا على ما يسمح به عدوى مش المجلس العسكري عدوى انا بكلمك بصفة عامة خصمي سياسي حتى ان شاء الله يطلع احسن واحد وطني في الدنيا بتكلم - 00:46:01

انا بشتغل طبقا لبيان مباحث امن الدولة يقول لي هو مش هينفع الوقتي كده. فانا هعتبر دي الدايرة المرسمة وما بيطلعش منها

00:46:19 وصدقوني اقسم بالله العلي العظيم ان هذا الكلام منهج مستقر وثابت -

عند العديد من السياسيين اللي الناس بعضهم يتصرعون ان هم يعني ائمة الثوريين ودول الثورة ودول ودول وترى وترى طعناتهم وهو يتكلم في الغرفة المغلقة. وبعضهم يعني يعني مسلا يتكلم يقول لك لأ الاسلاميين قفزوا على الثورة الاسلاميين قفزوا على السورة وهو رايج يقول طب انا عندي بكرة موعد ويرجع يقول لأ طلع ما ينفعش - 00:46:36

يعني ايه طلع ما ينفعش ؟ يقول لي اصل قابلنا فلان كده علنا اه هل دول اللي هنقول عليهم ده واحد بقاله عشرين تلاتين اربعين خمسين مش خمسين سنة طبعا من خمسين سنة ده كان مجموع خالص خلصان يعني بس انا بحكي لك ان كان كل الفترة دي هو - 00:47:07

مانعينه انت عارف الطفل الصغير بيحصل ايه لما يلاقي خطأ افرض بيلعب وبعدين سمع صوت انفجار ممكن يجري مش مية الانفجار يجري ناحية الانفجار. ليه لانه بيجري الى ابوه او الى امه هو ما بيجربيش فين الخطر ويبعد عنه. هو المؤشر مش عنده. هو المؤشر معلق بماما وبابا - 00:47:27

ففي ناس بقى لهم اربعين سنة يرى ان رجال الامن رجال السلطة رجال السيادة هو بابا وماما وفي منهم ناس تانيين يرون انه امريكا هي بابا وماما. وده مش مش هزار. والله دي حقيقة. يقول لك ما هو لازم تشوف تجاه الريح ماشية ازاي. ما في تكوينة - 00:47:52

انت عايز تقف ضدك امريكا زي ما نسب الى بن جوريون زمان ان هو قال هذا الكلام قال لابد آآ ان نخاف مما يجب ان نخاف او حاجة زي كده - 00:48:14

لابد ان نخاف مما يجب ان نخاف يقوم وهو يقول لك دي سمعتها من واحد من قادة اللي بيتنقل عليهم الوقتي اباء الثورة يعني اه بس بن جوريون لما قال كده - 00:48:28

قال كده ومشي بطريقته وما عادش يجب ان يخاف من امريكا كان ساعتها. خلاص كان ساعتها بيقول امريكا رفضت وانا مضطرب اسمع الكلام ده. الكلام ده كان سنة ستة وخمسين في العدوان الثلاثي - 00:48:43

اسرائيل انسحبت من سيناء لان امريكا قالت لا لازم لان انتم دخلتم بدون ازن آآ ايزنهاور ازن وده ما ينفعش احنا الامبراطورية العزمي ف ساعتها قال لابد ان نخاف مما يجب وان نخاف واشتغل بقت امريكا دلوقتي هي اللي بتخاف منه لانه عارف بيشتغل ازاي. انما انا اقول لابد ان اخاف من - 00:48:57

يجب ان اخاف ولما تقوم ثورة بيت انا فيها القوة الاكبر اقوم بالع قوتي واقول برضو لابد ان اخاف يا ابني انت اللي بقى قوي يا حبيبي فق يا ناس لن تأتي فرصة لبلد - 00:49:17

ولا لشعب ولا لارحام اجيال كارحام تدفع اجيال. انها تبقى محترمة زي اللحزة دي ما ترجعش تاني انما الحاصل ان فيه ناس قاعدة فعلا الفترة دي كلها خلاص اربعين سنة - 00:49:33

باصص لبابا وماما ولسه مستمر بکده يقول لك لا امريكا خلاص مش هتوافق. امريكا مش عارف ايه. امريكا ايه؟ وانا لا اعفي من ذلك عشان برضو بيقى الكلام واضح عشان اللي بيسمعني ما يقوليش طب ما هو اصل فيه ناس كده. اما اقول له آآ مسلا شل هنا فيه حاجة مش نضيفة امسح قورتك - 00:49:48

يقولوا لي طب ما انت كمان عندك شعرية على الجاكتة. الله يا اخي طلع منديل نصف جبهتك خليك نضيف هو انا لو انا عندي شعرية على جاكتتي تبقى انت جبهتك تفضل مش نضيفة - 00:50:07

ما تصحي انا بقول لك ان الكلام ده مش ما حدش بقى اقول له كده يقول لي طب ما الاسلاميين فيهم كده اه فيهم كده برضه ونص وتلات تربع والخطأ بيقى خطأ في اي مجال - 00:50:23

لكن بس انت شايف الاخرين شايف ده يميني وشمالي وقدامي وتحتاني وفؤادي وده كله فيه ناس بالشكل ده كتير بيtalk وفيه في الاسلاميين كده. بيtalk طبقا للمؤشر الامريكي ماشي ازاي مثلا - 00:50:36

ايوة ده صحيح والنتيجة انه وهو متتصور اصله على فكرة انا عايزة اقول لكم حاجة برضو هي امريكا مش مسلا لاما تحب اه هي مش راضية تديني مسلا خمسة مليار دولار - 00:50:51

او اربعة وثمانية من عشرة مليار دولار مش راضية لحد ما اعمل بقية كل الشروط واسمع الكلام وامشي تمام بس هي شایفة وهي بتحسب ان انا علشان ما تفلتش منها هي - 00:51:05

ما تفلتش من ايديها الاوضاع محتاجة تبعث لي نص مليار بس. او مليار بس. مش الخمسة مليار كلهم. وتبعاتهم لي من غير ما يبقى ده شهادة للاقتصاد المصري عشان ما تجييش الاستثمارات والقروض - 00:51:22

تقوم تعمل ايه؟ تبعث لي المليار ده بس عن طريق حد تاني. سهلة جدا. عندها قائمة هي بعشرين تلاتين دولة في العالم. ممكن تبقى الـ روسيـا مسلا يعني روسيـا ادي لهم مليار وديعة - 00:51:35

من الحساب الاستراتيجي بناء تقسيم العالم اللي متفقين عليه تروح روسيـا باعتة لي مليار وديعة. يقول لك يا سلام! روسيـا ادتنا. وهي طبقاً للخريطة المرسمة فانا ما ابقو ابله واعتبر انه دي انه انا لازم افهم الدنيا ماشية كده - 00:51:49

لازم افهم ان ده ان امريكا قالت لأعيشـه النهاردة لان انا محتاجة منه قرار بكرة ما تموتوش النهاردة لسه يعيشـها اخد القرار ده ويحصل اللي هو عايـزه ومشترط علي اطلع له قانون فض التـزـاهـرات وقانون مش عارـف اـيه هو مـكـنـ مـباـحـسـ اـمنـ الدـولـةـ واعـملـ اـيهـ في ضـرـائـبـ وضرـبـةـ الدـبـغـةـ واعـملـ اـيهـ في شـوـقـيـ وكـدـهـ - 00:52:08

خلاص تمام اما يعمل ده ادي له الخمسة مليار ويـمـكـنـ ما اـديـهـالـلوـشـ خـالـصـ. بـسـ دـلـوقـتـيـ دـلـوقـتـيـ لـازـمـ لهـ مـلـيـارـ لـانـهـ لـوـ مـاـ خـدـشـ المـلـيـارـ بـقـىـ هـبـكـسـ الـبـابـ هـيـمـسـكـ الـبـلـطـةـ ويـكـسـ الـبـابـ وـاـنـاـ عـايـزـاهـ يـفـضـلـ مـحـبـوسـ - 00:52:28

الـوـ الدـوـلـةـ دـيـ اـبـعـتـيـ لـهـ يـاـ نـاسـ اـفـهـمـواـ يـاـ جـمـاعـةـ هوـ الـكـلـامـ دـهـ اـنـاـ مـتـوـقـعـ يـعـنـيـ اـنـاـ عـبـقـرـيـ مـطـلـعـهـ وـفـاهـمـهـ لـأـ دـهـ مـكـتـوبـ فـيـ كـتـبـ عـلـىـ الـارـضـةـ لـوـ بـنـقـرـأـ عـشـانـ كـدـهـ اـنـاـ بـقـولـكـوـ - 00:52:44

الاتجاهات السياسية الفصائل السياسية الاحزاب اللي هي غير الاسلاميين. انا بتكلم دلوقتي عن غير الاسلاميين كل دول ما فيش رجب بالشكل اللي انا شفته بنفسي وشهادـهـ اللهـ بـعـضـ النـاسـ عـلـىـ مـسـتـوـيـ عـالـيـ جـداـ فـيـ اـجـتمـاعـاتـ مـخـصـصـةـ لـستـةـ مـنـ اـلـنـاسـ - 00:53:00

انا رأيت العجب العجاب ولو لا اني يعني اغار على مكارم الاخلاق من اني اقول انما جايـزـ بيـجيـ يعنيـ هوـ مشـ غـلـطـ مشـ مـمـنـوـعـ بـسـ اـنـاـ مـشـ عـايـزـ اـقـولـ اـنـمـاـ لـأـ طـبـعاـ خـطـرـ خـطـرـ خـطـرـ الـىـ اـقـصـىـ درـجـةـ. اـنـتـ تـتـكـلـمـ مـعـ جـهـةـ وـحتـىـ فـيـمـاـ يـتـعـلـقـ بـالـعـلـاقـاتـ - 00:53:20

مع ايران نفس الكلام ايران ايوة في بينها وبين امريكا مشاكل صح بس برضه من مصلحة امريكا ان ايران تتقوى في المنطقة بنسبة ما عشـانـ تـبـقـىـ شـوـكـةـ فيـ جـنـبـ السـنـنـ. هيـقـويـ الشـيـعـةـ عـشـانـ يـوزـنـ شـيـعـةـ وـسـنـةـ يـقـىـ فـيـهـ صـرـاعـ. فـهـوـ مشـ عـايـزـ اـسـرـائـيلـ اـيـرانـ اللـيـ تـخـوـفـ - 00:53:46

اسـرـائـيلـ بـسـ عـايـزـ اـرـفـعـكـ كـدـهـ بـسـ ماـ اـرـفـعـكـشـ لـهـنـاـ - 00:54:11

فهمـيـ اـزاـيـ الحـتـةـ دـيـ بـسـ هيـ اللـيـ اـنـاـ عـايـزـكـ تـزـيـدـهـاـ فـيـ الـتـالـيـ حتـىـ فـيـمـاـ يـتـصـلـ بـالـعـلـاقـاتـ معـ اـيـرانـ وـمـعـ روـسـيـاـ وـمـعـ الصـينـ وـمـعـ قـطـرـ وـمـعـ الـاـمـارـاتـ وـمـعـ الـكـوـيـتـ وـعـلـىـ فـكـرـةـ ماـ حـدـثـ مـنـ الـاـمـارـاتـ دـيـ مـسـأـلـةـ كـبـيرـةـ جـداـ - 00:54:25

دهـ دـلـيلـ عـلـىـ دـهـ شـيـعـ لـاـ يـمـرـ لـاـ شـكـ اـنـ ماـ فـعـلـوـهـ هـنـاكـ سـيـأـتـيـ زـمـنـ للمـحـاسـبـةـ عـلـيـهـ. لـانـ هـذـاـ الـكـلـامـ دـهـ شـيـعـ كـبـيرـ. وـخـلـيـنـيـ اـبـقـيـ اـنـكـلـمـ عـنـهـ فـيـمـاـ بـعـدـ اـنـ شـاءـ اللـهـ - 00:54:44

الـلـهـ اـيـهاـ الـاخـوـهـ اـذـاـ كـلـ دـهـ لـازـمـ اـنـ اـحـنـاـ يـعـنـيـ آآـ يـعـنـيـ نـصـعـهـ فـيـ الـحـسـبـانـ رـبـماـ اللـيـ هـمـ اـمـرـيـكاـ وـعـمـلـائـهـاـ النـظـامـ السـابـقـ وـاصـحـابـ المـصالـحـ الـمـرـتـبـطـةـ بـهـ. الفـصـائـلـ السـيـاسـيـةـ مـرـتـبـطـينـ بـالـانـزـمـةـ الـعـرـبـيـةـ الـمـجـمـوعـاتـ السـيـاسـيـةـ اللـيـ اـدـرـبـتـ اـرـبـعـينـ وـهـوـ عـنـدـهـ كـمـ سـنـةـ؟ـ خـمـسـيـنـ سـنـةـ سـتـيـنـ سـنـةـ مـنـهـمـ اـرـبـعـينـ سـنـةـ تـدـرـيـبـ عـلـىـ اـنـهـ - 00:54:58

اشتغل في ضوء الدايرة المسموح بها من مباحث امن الدولة ممكн تعمل كده وممكن لأ فهو مستمر على هذا خلاص فاضل مين بقى يعني في آخر عنصر يعني من العناصر اللي انا عايز استبعدها - 00:55:24

فاضل مين قاضي النزام الحكم الموجود حاليا ناس ممتازين وعلى عينا وراسنا واسيدنا وتابع راسنا انما انا هعتبره من العناصر الضد مش اللي معه ولا يعول عليه وهو خصم في المرحلة دي - 00:55:43

بيفارق ليه؟ هقول لك ليه بوضوح بوضوح لانه اصله استمراره مش عصمة من ضياعنا دلوقتي ليه لانه جهاز مباحث امن الدولة التغول الطغيان الامني بيرجع فعلا واديكتو ساميون بكرة خمسين الف شخص رايحين مسجد رابعة العدوية بكرة للذهب والتزاهير - 00:56:10

اه بعد صلاة العشاء في اه عند مباحث امن الدولة بكرة اللي هو الامن الوطني اللي يفتح الفيسبوك يراعى الكلام ده كان ممكн نقول والله ده دي فتنة بتعملها جهاز الامن الوطني ومباحس امن الدولة ووزارة الداخلية علشان تخلي الاسلاميين يضرروا في اسلاميين - 00:56:34

اه كان ممكн نقول كده بس امته لو طلع رئيس الدولة وقال انا لا اقبل التغول من الاسلحه من الاجهزه الامنية اللي راجع الثاني للاستدعاءات او رجعت للاتصالات او رجعت تاني للتحليل وللمتابعة وللظهور بالظهور الواضح. انما كون ان الدولة - 00:56:59 رئيسا وحكومة وبرلمانا وكله مش بس بيستتر او يسكت على هذا لأن يسمح به لأن ده بخلص علينا بقى بخلص علينا كمصر الله الله الله اما زاهرة الباطجية ما اقدرش انا اجيبي جهاز الشرطة قدام الشعب واخوه - 00:57:18

اقول له لازم قدامك تلات شهور اربع شهور خمس شهور ست شهور تسع شهور عشر شهور حتى الان تقدم لي تقارير تحريات فين فين مين اللي بيجيبيه بالباطجية ومعروفين وبالاسم - 00:57:41

بالاسم ازا صدق اللي جا لي قائمه فيها متين واربعين واحد بالاسم بباطجية بعنوانهم باسمهم بماكلنهم ازا صدق انا ما اعرفهاش هي جاية لي كشوف متفرغة جاهزة بمصادرها. يقول لك ده مصدره فلان ده من المحلة وده من المنصورة وده من قنا وده من اسيوط - 00:57:56

وده كذا الله طب ما تجيب فين فين وائل الابراشي عنده صحيفه بيستتر على صور الباطجية ليه؟ ابراهيم عيسى عنده صحيفه بيستتر على صور الباطجية ليه السيد البدوي الوفد عنده صحيفه بيستتر على صور الباطجية ليه؟ ليه بيحجبوا هذا الكلام - 00:58:16

ليه؟ ليه المصري اليوم والوطن واليوم السابع ليه المراسلين ليه ما تجيب وتبروز الصور دي وجهاز الامن الوطني ده فين مخبرينه اللي يصور بس انا مش عايز منك قهوة في الشارع وواحد عامل صورة. وزي ما كانوا بيعملوا طول عمرهم يقولوا ده منين وده فين وده كذا ده انت لو طلعت على التليفزيون - 00:58:35

و عملت مسابقة اللي يعرف حد كله هيكتشف في اقل من اسبوع يا سيادة الرئيس محمد مرسي يا سيادة الرئيس محمد مرسي استمرار هذه الشهور من غير حصر. الباطجية جايدين منين وده ممكן عن طريق التليفزيون. صور وتطبع في التليفزيون - 00:58:55 طيور ودول مطلوبين مطلوبين اللي يعرف بيانات عنهم بس بيانات مش محتاجين الشرطة خالص تطلع تحريات لو واحد من اللي شفناه بسكاكين وسينج وكده واتكبرت الصورة وطلعت جرائد واذاعة وتليفزيون وجت - 00:59:13

اخبار لانه اكيد مروع الناس في كل حته ناس هيبلغوا ده مين تقدر توصل من خالله مين اللي مأجره ومين بيدفع له فلوس ومين ومين لحد ما تخلص انما كون ان بقى نظام حكم مستمر - 00:59:29

والباطجية اللي بيهددوا التحركات السلمية كلها لسه موجودين. اللي هم اذرع الفوضى الخالقة اللي امريكا عايزه تعاملها بقى معنى كده ده قرار سياسي اصله ده كده بقى اسمه قرار سياسي - 00:59:43

وهذا الكلام انا اقوله لسادتي اسيادنا مكتب الارشاد في جماعة الاخوان المسلمين الاطهار الانقياء المحترمين اللي انا عارف في انهم مزلومين باكسر من جدا ولا عارف ان هو عارف وعارف بس انا بقول لك ده قرار سياسي - 00:59:58

كون ان سيادتك تدير الامور تديرها وبرغم انك بتدير الامور ومعك وزارة الاعلام ومعك وزارة كزا ووزارة كزا ومع ذلك لا مقاومة

كافية تمنع ظاهرة البلطجية مش البلطجية اللي بيأخذوا محفزة ويوقفوا توكتوك وعربة - 01:00:15

ده مهم نقاوم الجريمة طبعا انما البلطجية بتوع الحوادث السياسية يبقى معنى كده ببساطة ان انت مخلني جيش البلطجية اللي على

مستوى الجمهورية امن ومستمر بقرار سياسي. مش بقى بضغوط - 01:00:34

يعني مش انت غصب عنك لأ مش غصب عنك. ده ده قرار اختياري وانا بقول هذا الكلام لانه لا خير فيكم ان لم تقولوها ولا خير

فيينا ان لم نسمعها. وهذا كلام كنت اتمنى الا يأتي علي اليوم اللي اتفوه به - 01:00:49

في بهذا الكلام ابدا. ويشهد الله عز وجل ان يتمزق وانا اعلم انهم خير مني الاف المرات وشهاد الله ان ما اظنه انهم خير مني واني

يعني لا اتي شيئا في خيريتهم - 01:01:05

لكن بس انا ما اقدرش كمان اجد قرار سياسي باستمرار جيوش البلطجية المجهزين للتحركات السلمية للشعب مستمرة وانه مباحث

امن الدولة بتعود وانه امريكا مشترطة عليهم مقاومة الارهاب لدرجة ان لما حدثت الاعتداءات على السفارات الامريكية في بلاد

المنطقة قالت لا والله ده آآ رئيس مصر - 01:01:24

ما امشي بالدور الكافي لقمع الاتجاهات اللي احنا خايفين منها. لا يا فندم لا ده فيه هنا قرار شديد جدا قائم من السلطة السياسية قرار

قرار مش تنازل مش تساهل - 01:01:49

مش غصب عنه. اقول لك بطريقة اوضح مش انه ما هو ما بيسمعوش كلامه وما عندناش حاجة والفساد مالي الاجهزة. ما فيش حاجة

اسمها الاجهزة فاسدة. ما فيش حاجة لانك - 01:02:11

تستطيع تقدر تقدر انت لو نزلت حد صور بس في الشارع ممكن رئاسة الجمهورية في مؤتمر صحفي هي اللي تقول الصور دي

وتقول للمباحث هاتي لي الكلام ده تقدر - 01:02:21

انما كون انه يفضل كل الموضوع ان انا ما ليش دعوة باقسام من البلد زي سيناء او اللي مش عارف الارهاب او الایه المتشددين او او

او وما قابلش الزبائن الملتحين دول اصلا مش هادي لهم ما عدا اقابلهم خلبيهم في الشوارع كده - 01:02:34

قال لهم مردمين في الشوارع وفي المقابل امن الدولة بيرجع لأ ولذلك انا بالفعل لما بيقولوا لي والله اهو لسه جايدين لي يعني الكلام

ده من من بيقولوا لي تداعيات مسألة ان خمسين خمسين الف بكرة ايه ده! ده المفروض يطلع تاني لاربعة خمسة ستة مليون اللي

كانوا موجودين في ميدان التحرير - 01:02:52

مرة اخرى انما يروح خمسين الف يصلوا العشاء في رابعة العدوية بكرة خمسين الف والباقيين على كل حال انا لا لا يعني انا بقول هذا

الكلام من باب التناول الثقافي - 01:03:22

التناول الثقافي فقط فقط عشان تعرفوا بس انما انا ربما لان انا ما اعرفش حاجة عن ابعاد الموضوع بتاع بكرة خالص فمش قادر

اقول لكم شيء على بعض يمكن بكرة - 01:03:36

فان شاء الله اقدر اقول حاجة انما انا بس باقول لك انه هذا الكلام ما طب مين بقى اللي فاضل؟ خلاص ازا ااصناف الستة اللي انا

ذكرتها دي ست اصناف - 01:03:49

ويبقى حد لو سمحتم يكتبهم واحد اتنين ثلاثة اربعة خمسة ستة مين بقى اللي فاضل مين معول عليه؟ بعد الله عز وجل او باذن الله

عز وجل. لأ مش بعد الله ده تعبير حتى مش مزيوط. انما المقصود يعني انه بعد التعويل على الله - 01:03:59

ان انا ضمن هذا مين معول عليهم تلات اصناف تلات اصناف هم اللي فاضلين هم اللي فيهن الرمق هم اللي لو اعاننا الله سبحانه

وتعالى على ان يبلغ الاخلاص القلوب ربما ينقذ الله عز وجل بهم من هذا التردي - 01:04:17

والله يقول عسى ربكم ان يهلك عدوكم ويستخلفكم في الارض فينظر كيف تعملون ورونا ازاي كيف عسى ربكم ان يهلك عدوكم زي

ما حصل في خمسة وعشرين يناير عسى ربكم ان يهلك عدوكم ويستخلفكم في الارض فينظر كيف تعملون - 01:04:47

اول فئة ممكن التعويل عليها هو هذا الشعب ناس العادية جدا اللي قاعددين على القهوة واللي نازلين من الاتوبيس اللي واقفين

على النواصي الناس هما بس عيبيهم ان هما سلبيين طبعا - 01:05:11

بيقعد في بيته يتفرج على التليفزيون او يروح شغله او يعلق انما ليس فاعلا انما اذا ما تمكنا ان نصل اليه ان نبلغه هذا الكلام ما بيسمعش هو الصنف ده ما بيقعدش يسمعني ساعة - 01:05:34

ما بيروحش اسر ابن الفرات يسمع الصنف ده انت بتسمع لانه انت سمعت انما هو ما بيسمعش الكلام ده ولو سمع ما عندوش وقت يقدر افضل انا قاعد اشرح واقول ده واحد فاضي عندنا وقت نشرح ونقول - 01:05:52

الناس دول انتم اتقوا الله عز وجل دول اللي مطلوب توصلوا لهم. دول الكسوة الكسوة يعني الكسوة اللي تكسو الحراك الناس اللي باتوا في ميدان التحرير يوم تمانية وعشرين يناير - 01:06:08

والله انا ما اعرفش بيتهياً لي ما يجوش الف الفين واحد يعني انا مش عارف بس كانت حاجة تضحك يعني يعني اعتقد انه ما كانوش اللي دخلوا كانوا اكتر من كده طبعا وقعدوا من العصر انما على الساعة حداشر بالليل مسلا اعتقاد يعني تقديرني انا ما كانوش - 01:06:23

ما يوصلوش الفين واحد متهدأً لي لكن بعد اسبوعين بقو ستة مليون لانه هناك رحمات من الله. فالنداء الوصول الى هؤلاء. عشان كده احنا معركتنا باقول لكم معركة الوعي انك تسمعوا الكلام ده - 01:06:39

انك تعمله له شريط كاسيت وتقول له حطه في عريتك تعمله له اسطوانة ١١ سي دي وتقولو اسمعوا وانت راكب ميكروباص انت توصل ولو الكلام طويل اقصرهولو انت لازم تعرف كفاية اعتقالات مش لازم انت كمان تخلي شفتيك معتقل للسانك. انطق - 01:06:58

اتكلم اوصل للناس الذين يستبد بهم اصحاب القنوات الفضائية اللي معمولة خصيصا خصيصا للمشاركة في هذه المؤامرة وعايز اقول لكم ان خصوصا شباب النواصي شباب النواصي دول بالذات شباب القهاوي - 01:07:22

دول بالذات هم دول رقم واحد فهمه يفهم لانه اصلا هو لما بي Shawfak هو ضدك. لانه فاكر عنك شيء فاكر. عنده انطباع متصور حاجة حرام عليكم يا من تسمعون انت اللي مكلفين توصلوا الكلام ده الى دول - 01:07:48

لان ده بيعاديك لانه فاكر انك شيء معين ولو عرف الحق زي ما الرسول عليه الصلة والسلام انتو عارفين الرجل اللي فضل يحارب الرسول وعايز يقتلها فلما تبين له الحق في لحظة بعد سنين اسلم. فجاء ابوه يحارب الرسول فكان عايز يقتل ابوه - 01:08:09

عشان انتصارا للرسول عليه الصلة والسلام. احنا عايزين الناس تعرف الحقيقة ده شغلتكم انتم يا اللي قاعدین تتفرجوا على التليفزيون. انت طبيب معك تمرجي يا اخي. معك ممرضة. عندك مريض بيجي - 01:08:31

هو الطبيب اللي عنده عيادة لما يحط عشرين تلاتين سي دي عنده يصرف عليهم عشرين تلاتين جنيه في سبيل الله دول من اوجب ومن اعلى مراتب الجهاد الان ويعرف يستجلب قلوب الناس مرة تانية عشان يرجع فاكرین انا كنت بقول ايه في بداية الحديث لانه ده كان اول الحلقة - 01:08:45

النهاردة عشان تعرفوا انها مربوطة ازاي مهمة انه العنصر الاستراتيجي الوحيد اللي كان فاضل هو ده بس مش اكتر من كده انك ترجع تاني تلم الشعب في كتلة واحدة صادقة صالحة متوجهة لاتجاه معين عشان ما يرجعش التغول من يومين تلاتة وافق - 01:09:05

عبدالفتاح السيسى القائد العام للقوات المسلحة يؤدي دور الممثل العاطفى الذى يستجلب رضا الناس انه يعوله على الجيش وتانى يوم الصبح يكتب وائل الابراشى وابراهيم عيسى ويتبع الوفد ويتبع المصري اليوم ويتبع اليوم السابع ويتبع الدستور ويتبع - 01:09:27

صوت الامة ويتبع الفجر ويتبع ايه كله يكتب تاني يوم عولوا على الجيش اعتمدوا على الجيش هو الامل بنحبكم مصر هتفضل مصر واحنا وامريكا وانا احمله واحمل من معه هذا الكلام بقى امريكا في الكونجرس يقولوا انه - 01:09:48

والقادة اللي موجودين دلوقتي هم دول اللي حلفاء معنا احنا امريكا والدنيا ماشية ويمكن الاعتماد عليهم وما يطلعش تصريح من المتحدث الرسمي العسكري في مصر تصريح صغير قد كده يقول ان القوات المسلحة جزء من الدولة وتأتمر باوامر قائدها الاعلى

ملزمة بذلك وليس بين هؤلاء وترفض ان تعتبر جزءا من حلف مع اي جهة اجنبية فالكونجرس يروح قايل الكلام مرة تانية وبعدين مرة تالثة وبعدين يقولوا جون كيري وبعدين يقولوا كزا وكل ده صمت صمت صمت مش عايزين ينطقووا ليه - 01:10:26
مش عايزين ليه ينطقووا؟ عشان ما يشعروش انهم بيخرجوا الموضوع واحدنا كشعب قاعدin ساكتين. لذلك يا اخواني هذا الشعب احنا يعني معركة الوعي الحقيقة هي الحاجة المهمة. وكان نفسي اقول لكم حاجة اكتر من كده لكن آآ يعني عايزكم تهتموا حتى بالشباب المغيب - 01:10:45

خالص يرجع لان ده اهم انا رأيي لو تختار فئة واحدة من الشعب اقول لك شباب النواصي لان دولهم حق علينا يوم القيمة هيتعلقوا برقبابينا وهتشوفوا فتلقي الله عز وجل يتعلق برقبابينا يقول لك يعني ضيعتمونا - 01:11:07
ما حدش قال لنا الكلام ده الفئة الثانية التي يعول عليها ان شاء الله وربما انا ذكرت هذا من قبل لكن اللي هما شباب الثوري الحر بس دول لازم ما يزعلاوش مني لازم - 01:11:27

صادقين في انه مش عايز انحراف بس الجهلة ما يطلعوش بقى يقولوا بكرة ده حازم ابو اسماعيل بيقول على شباب الثورة جاهلة ما يهمنيش انا بقول لك تحتاج ثقافة عشان ما يضحكش علينا - 01:11:51
عيوب بيقى الشاب الانجليزي والشاب الامريكي او عى مني والشاب الصهيوني او عى مني والشاب في كل حنة او عى مني عيب فهم صادقون يحتاجون ايضا الى معركة الوعي ان يسمعوا ويفهموا ويعدلوا انحيازاتهم - 01:12:06
لازم يعدلوا انحيازاتهم وموافقهم عشان يعرف يأثر والا انما هقول لك مين اخطر نوع من دول عشان تعرف برضه ان حتى بما فيه الاسلاميين الحركات الاسلامية ولا الشبائية اللي متتصورة انها بتعمل فعاليات - 01:12:25

انشطة ايه اتحاد طلاب اسرة طالع عملنا ورجعنا خلاص ده كان زمان ده كان احنا بنعمل كده في الشوارع طول عمرنا لان كان في سبب مش عارفين نعمل انما الوقتي لازم لما نعمل حاجة تبقى شيء فاعل وناجع - 01:12:42
ولا يرجع يا شباب يا ثوريين انا ما قلت لكم انكم يجب ان تنتقلا الا لانني ارى انكم انت باذن الله العلي الامل الباقي انت الامل الباقي لكن قلة الثقافة يجعلكم احيانا تتفقون مع عدونا وعدوك مع عدو البلد - 01:12:59

ده هيستعملهم وبعدين يرميهم وزي ما حكيت لكم امبارح السنهوري باشا امام القانون تلاعبت به ثورة ثلاثة وعشرين يوليو سنتين اتنين بس بالكتير لحد ما خدت منه اللي هو اللي هي عايزاه وبعد كده خلت العمال يضربوه - 01:13:25
وسليمان حافظ والشيخ الباقي والشيخ فلان والشيخ فلان وهؤلاء الائمة لعبد الناصر تلاعب بهم ومنهم اللي لسه عايش حتى الان بعض الناس سمعته من المستشار الدمرداش العقاري ومدين ومدين قدروا ياخدوا - 01:13:42

مجموعة من الناس في سبيل الحق والعدالة وبعدين بعد ما انتهت الحاجة اليهم رکنوه واحسن واحد فيهم اللي اترکن في بيته ما حصلوش حاجة ومحمد نجيب نفسه يعز علي انه صدقكم وصفاءكم واطلاقكم ما يبقاش محل بالثقافة والادراك - 01:13:58
وما الفئة الثالثة والأخيرة فهي مهجة القلب هي حبات القلوب هم الاسلاميون الاسلاميون اللي هي ذخيرة العقيدة الذين يريدون الله واليوم الآخر اللي مستعدین يفنوا في سبيل عقيدة يؤمنون بها - 01:14:21

ارجوكم هذا المخزون من العقيدة لا تفاجئونا بانكم وظفتموه في وظيفة اخرى وتركتم ما يحبه الله عز وجل من انه ان يظهره الله او نهلك دونه لا تأخذ ذخيرة الاعتقاد فتوظفها - 01:14:50

في اتجاه اخر ولعلمكم تفهمونني ولا تتحرجو من اسلاميتكم نحن اسلاميون لحما اسلاميون داما اسلاميون من قمة رأسنا الى اصغر اصبع في اقدامنا لا شرف لبشر بغير الاسلام الاسلام هو الحياة - 01:15:14

الاسلام هو المنهج الاسلام هو العقيدة. الاسلام هو الرسالة الاسلام هو الراية الراية التي قد تبذل تحتها ارواح المئات والالاف في سبيل ان تبقى الراية خفقة المعول عليكم انتم. نحن لا نتبع الائمة الا بقدر ما يقولون ان هذا هو - 01:15:39
ما عند الله ورسوله ايها الاخوة ساكتفي بهذا القدر ونلتقي ان شاء الله نحن سنلتقي بعد غد الجمعة في مسجد اسد ابن الفرات ان

شاء الله. ونسأله ان يجمعنا واياكم على الخير والهدى ونسألكم - [01:16:04](#)
دعاء ونسأله الا يتوفانا الا وهو راض عننا. اللهم ان جاءت منيتنا ونحن على الحق المبين لا نبالي باي نتيجة وصلنا؟ اسأل الله لي
ولكم الرشاد والسداد والثبات. شكر الله لكم والسلام عليكم ورحمة الله وبركاته - [01:16:18](#) - [01:16:36](#) -